

Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XVI. No. 45

Private circulation

November 11, 2018

THEIHPITU

(Witness)

- Kamkhenthang

Dan dungzui a thukhenna dik om theihna ding in theihpihtu poimoh: “witnesses are the eyes and ears of justice”, chih hial in om. Theihpihtu muanhuailoute ziaik in mi dik gawt khak leh mi gilou gawtding bang a gawt theihloun in om nak uh – lawyer minthang khat, Teesta Setalvad in, India gam a criminal cases za-a-sawmsagih val ah theihpihtute muanhuailou kik (turned hostile) uh, chi in gen. Ei pi-le-pute’n bel thudik leh diklou khenna ding a “tuilut”, “sahang ha peh (keih)” etc. peuh zang un, theihpihtu a ana kingalou uh (kei theihdan in). Huaiziaka Laisiangthou a thumal, ‘theihpihtu’ kichi ahihnatak leh poimohna manlou a ‘thu theikhasam’, ahih-keileh ‘mi/thiltung mukhasam’ lel genna sak khak theih ahi.

Laisiangthou a i muh theihpihtu chih thumal zong mun tamzaw ah hekna/ngohna a dik leh diklou kal thukhenna toh kizawitawn a zat ahi. Mosi dan nuai ah mi khat khial a ngohna tungtang a thukhentu in thutanna a bawlina ding in theihpihtu nih bek a om ngai (Deut.19:15; 17:6; Num.35:30). Theihpihtu poimoh lua ahihman in theihpihtu diklou tuh khelhna hi in, Danpiak Sawmte lak a kuana in **“Na innveng tung ah theihpihna zuau na gen ding ahi het kei”** (Ekso.20:16), chi hi (Bible tangte Bibles International, 2004 apan lak ahi). Theihpihtu dik in bel hinna hukhia, **“Theihpih mitak in hinna hukhia a, theihpihtu mitaklou bel zuauthei ahi”** (Pau.14:25). Thukhunktak hun a Pathian mite (Saptuam) sung ah leng ngohna a dik leh diklouh thukhenna ding in theihpihtu nih hiam thum hiam a om ngai (Mat.18:15-17; 2Kor.13:1; 1Tim.5:19).

Hiai thukhenna a kizang - theihpihtu - thumal mah zang in Jesu’n a nungzuite kiang ah **“Ahihhangin, Khasiangthou noute tunga hong tun chiangin, vangletna na ngah ding uh a, Jerusalem ah, Judia gam khenpeuh ah, Samaria gam ah leh, kawlmong dongin, kei hon theihpihte na hi ding uhi, a chi hi”** (Nas.1:8). Jesu’ thuchiam bang ngei in Pentikost ni in Jerusalem a mip-te mai ah Peter in Jesu tuh Jawlneite leh David in ana gen uh Khrist (Messiah/Hondampa) ahihdan gen in (Nas.2:14 ff.), **“Pathian in hiai Jesu a kaithou a, koute khempeuh hiai thudik theihpihte ka hi uhi”** (Nas.2:32) chi in puangkha hi.

Huaibangmah a, Jesu thu agen ziaik ua Siampu lianpen mai a adin lai un Peter leh sawltakpi dangten **“Hiai thilte tawh kisaia, amah theihpihte koute ka hi uhi. Pathian in ama’ thu mangte kiana a piak Kha Siangthou zong amah theihpihpa ahi, a chi uhi”**

(Nas.5:32). Jesu Khrist theihpihte tuh sawltakpite kia hilaou in Kha Siangthou piak a omsam athu zui khempeuh-te zong hong hi uhi. Sawltak Paul zong Zentelte, kumpite leh Israel atate ma a amah theihpihtu ding a Toupa belseh ahi (Nas.9:15 & 22:15).

Khristian masaten theihpihtu ahihna uh bangchin asemsuah ua? Khrist thu gen nawnlou ding a vau a aom lai un Peter leh sawltak dangten, **“Koute’n zaw ka muh uleh ka zak uh gen lou thei lou hi ung, a chi uhi”** (Nas.4:20); henna leh haksatnaten ngak ahi, chih Kha-siangthou in a theihasak nung in leng Paul in **“...Pathian hehpihna tanchinhoih adia theihpitu (to testify; huai tuh theihpihna puangkha) a pang dia Toupa Jesu aki-pan nasep ding ka ngah pen zou photphot leng, ka hinna leng khiaklah ding in ka sep kei hi”** (Nas.20:24; Parallel Bible, 2016).

Khristian masaten Jesus Khrist theihpihtu ahihna uh thukhenna a theihpihtu a vadin bangdan lel hilaou in, a theihpihna thupuan uh ziaik in sawina, gimthuakna leh sihna tan tuak uh. Upna gum a sihipih genna ‘martyr’ zong theihpihtu genna a kizang Greek thumal ‘martus’ a kipan hi in gen uhi. Huai tuh Nasepte bung 6-7 a, suang a denlup a om Stephen genna (Nas.22:20) leh Kilakna laibu a Pergamam a zungzui thah a om Antipas (Kil.2:13) genna in kizang hi. Huchibang a diklouh ziaik hilou a, Jesu Khrist theihpihtu hihna ziaik a thuak ding omte tuh, **“Jesu thohkikna tungtawna om lametna hing”** (1Pet.1:3) neite’n kihtaklouh ding ahihdan gen in Peter in, **“Ahihhangin, na lungsung uah Khrist mah Toupa a sehtuamin nei in. Lungsunga lametna na neih uh, a san a hang hon dong peuhmah, lungnemtak leh zah dan siamtaka dawng ding in, mansa gigein om un”** 1Pet.3:15), chi hi.

PLACE OF WORSHIP

UCI Building,
Sector - VI. RK Puram,
New Delhi - 110022
Phone No. 9953968807

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Website : cocdelhi.org

Enkaitu : Jamson Guite | Panpihtu : Kham minthang | Jangthang

BIBLE CLASS

Class

Adult : Siamkhanmuan
Junior : Ginsuan & Samuel
Primary : H. Ngaihlun & Biaknem
Beginner : Vungngaihkim & Kimpi

Teacher

Toupani' Thilpiak

(04/11/2018) - ₹ 35,671/-

BIAKNA PROGRAM

Toupani' 11/11/2018

Hun-uk thumna : Kammuanlal
Lapi : Mungmuanlian
Thilpiak : Khamthianmung
Theihgigena : Thongginlian
Thugen : Kamkhenhang
Thumna : Jangthang

BIAKNA PROGRAM

Kiginni 17/11/2018

Hun-uk thumna : Thangzalam
Lapi : Gin Samuel
Thugen : Mungsuan
Thumna : Seilienmang

Amun: UCI Building.
Sector - 6, RK Puram

BIAKNA PROGRAM

Toupani' 18/11/2018

Hun-uk thumna : Thangzalam
Lapi : Gin Samuel
Thilpiak : Thanglianmang
Theihgigena : Siamkhanmuan
Thugen : Jamson
Thumna : Janglet

NAI MAHAHTA

✦ Gospel meet program diing hong nai mahmahta. Unaute salam leh khalam ah naktak in kisakhol chiat ni hang. Program co-ordinator unaupa Khamminthang in a hon puan dungzui in hiai hun a tel diing i lawm-le-vualte i zawn chiat diing uh. Program leng sutkhiak hita ahiman in i la chiat diing ua i michialte kiang ah i pechiat diing. Lohchingtak a zat leh zoh ahitheihna diing in thumna toh pang chiat ni hang.

THOUGHT OF THE WEEK

**KA LUNGTANG TENGTEG IN KON PHAT HI TOUPA
AW; PATHIANTE MA AH NANG PHAT IN
LA KASA HI (SAM 138:1).**

THU TUAMTUAM

DAMLou

✦ Unaunu Chiinkhenching khosik ziak in kal paita sung damlou in ana om. Tun ahileh Pathian panpihna toh a hoihlam hita.

✦ Huchimahbang in unaunu Brenda Nianghoihkim leh unaunu Margreta leng damlou in ana om mahleh uh Pathian panpihna toh ahoihlam hita uhi.

LOHCHINGTAK IN ZOU UH

✦ Kal paita nilaini in tuailaite'n unaupa Nekkhothang inn mun ah annual youth program lohchingtak in ana zou uhi. Hiai hun ah tuailai mi 35 in program nuamtak in zang uhi.

THU TUAMTUAM

ZIN LEH TUNG

✦ Unaunu Pui-i leh a tate Diwali suti ziak in Dehradun apan Delhi hongzin ua ilak uah omlel uhi. Huan, unaupa Thangdoulian-te nupa leng a sepna uapan suti hongpai ua ilak uah omlel uh. Huan, unaupa Thangbiakmang leng a sepna apan in suti hongpai a tun ilak uah omlel hi.

TRACT HAWM UH

✦ Delhi a saptuamten i tract sutte uh Lamka Missionveng te'n ana hawm banah Seitol a unaute'n leng Monglienphai leh a sehvel ah ana hawm uhi.

FAMILY FELLOWSHIP 2018 (PART-II)

Saptuam Work Plan dungzui a Family Fellowship 2018 (Part-II) 8th December, 2018 a Asola Bhatti Wildlife Sanctuary (Near Shooting Range) mun a "Nu-le-Pate, Gamtat-Khohei ah Tate/Tuailaite Zuih Ding In" chih thupi a zang a neih ding a thupuk ahi. Program Coordinator ding a Unp. Siam Khan Muan seh ahi. Hiai program pen nidang bang mah a, "nu-le-pa leh zi/pasal" hita teng telchiatna ding a bawl ahi. Program zat dingdan tangpi hiai bang ahi:

PROGRAMME

Session I [11:00 AM – 12:30 PM]

Conduct : Janglet
Lapi : Khamminthang
Thumna : Thangzalam
Sermon : Jamson
Topic : **Nu-le-Pate, Gamtat-Khohei ah Tate/Tuailaite Zuih Ding In (1Peter 2.21; 1Kor.11:1; 1Tim.4:12; Phil.4:8)**

POTLUCK LUNCH [12:30 PM – 1:30 PM]

Session II [1:30 PM – 4:00 PM]

Houlimna pitu : Thongginlian
Lapi : Siamkhanmuan
Thumna : Pauminthang
Topic : **Saptuam Biakkhawmna/Programs a Nu-le-Pate Gamtat-Khohei ah Tate/ Tuailaite Zuih Ding In**

Fellowship program thukhitna : Nekkhothang